**捣藻堂四庫全書** 

音薈

要

史部

欽定四庫全書管要点部書卷一

詳校官內閣侍讀道恭 球

能傳於久此史之所以作也然而所託不得其人則 欽定四庫全書薈要 定四車全書二 沒失與壞理亂之故而為法戒則必得其所託而後 江淹已為十志沈約又為齊紀而子顯自表武帝 意或亂其實或析理之不通或設解之不善故 此書臣等因校正其訛謬而叙其篇目曰将以是 八紀十 志四十列傳合五十九篇梁蕭子顯 南齊書序

情然後其任可得而稱也何以知其然邪昔者唐處有 良史者其明必足以周萬事之理其道必足以這天 鬼瑣姦回古悉之形可幸而掩也嘗試論之古之所 有殊功題德非常之迹将闇而不童鬱而不發而轉 用其智必足以通難知之意其文必足以發難顯之 其體至備以為治天下之具而為二典者推而明之 以為治天下之本號令之所布法度之所 明之性有微妙之德使由之者不能知知之 乃設其言至 1者不能 謂

士哉盖執簡操筆而隨者亦皆聖人之徒也两漢以來 後秦火之餘因散絕殘脱之經以及傳記百家之說區 為史者去之遠矣司馬遷從五帝三王既及數千載之 發難顯之情者平則方是之時豈特任政者皆天下之 其時求其指者如即乎其人是可不謂明足以周萬事 粗無不盡也本末先後無不白也使誦其說者如出平 定日車至書 )理道足以遼天下之用智足以通難知之意文足 記者宣獨其迹和并與其深微之意而傳之小大精 南齊書序


足以通難知之意文不足以發難顯之情者乎夫自 之聖法是非顛倒而采擴謬亂者亦豈少哉是豈可 紀世家八書列傳之文斯亦可謂奇矣然而敬害云 以選天下之用智不足以通難知之意文不足以發 非常之士也然顧以謂明不足以周萬事之理道不 **投拾以集著其善惡之迹與廢之端又創己意以為** 明不足以周萬事之理道不足以遼天下之用智 以後為史者如遷之文亦不可不謂傷偉拔出之


變尤多而其文益下豈夫材固不可以強而有邪數 與合謀之臣未有赫然得傾 也子顯之於斯文喜自馳轉其更改破析刻彫藻績之 口者也而一時偷奪傾危悖理反義之人亦幸而不暴 史既然故其事迹暧昧雖有隨世以就功名之君 其他邪至於宋齊梁陳後魏後周之書盖無以議為 而見之於後者矣故不得而與之也遷之得失如此 顯之情者何哉盖里賢之高致遷固有不能純達其 動天下之耳目播天下 相


欽


定四庫全書


南齊書序



























列傳第 南齊書卷二十 臭后 南齊書目録 東昏褚皇后文安王皇后 Ь













列傳第十二 Ê 南齊書卷三十二 列傳第十二 月白世 薛淵 桓康 荀伯玉 焦度 戴僧静









列傳第二十 南齊書卷三十九 列傳第十九 为四月石言 南齊書卷三十、 列傳第十八 蕭景先 虞悰 到撝 蕭赤斧子颖胄 胡割悛 恢





南齊書卷四十一 列傳第二十二 14 湘東王子建 問題王子俊 西陽王子明 張 オーセ 融 南西 周 南 邵 南海王子军 郡王子夏、陈王子真 騆







**た己日辰 白野** 列傳第二十七 列傳第二十八 南齊書卷四十七 南齊書卷四十六 安陸昭王緬 蕭惠基 蔡約 南齊書目録 王慈 陸慧晓顧憲之











良政列傳第三十四 南齊書卷五十三 崔慰祖 祖沖之 王智深 丘靈鞠 卞彬 南齊書日録 王逸之丘原原 賈淵 檀超 **十**四













即留心撰著其文之刻雕藻續時代為之未 喜自馳騁更改破析其文益下然子顯弱冠 足多責也乾隆四十年十月恭校上 謂其天文但紀災祥州郡不列户口鞏謂其 中當的智單校定同以陳二書上之見公武 有十志沈約又有紀子顯自表別脩宋治平 南齊書目録 總篡官臣紀均臣陸錫熊臣孫士敦

顧齊豫章王疑之孫以著述自命先是江海





里晉元康元年分東海為蘭陵郡中朝 太守閥閥生具郡太守永永生中山相苞苞生博士問 公齊過江居晉陵武進縣之東城里寓居江左者皆 生蛇丘長矯矯生州從事達達生孝庶休休生廣陵 大夫育育生御史中丞紹紹生光禄勲閎閎生濟 丞豹豹生太中大夫裔裔生准隆令整整生即丘令 生輔國参軍樂子宋昇明二年九月贈太常生皇 何居沛侍中彪免官居東海蘭陵縣中都鄉中 礼准除令整字

定四庫全書

**旃眷冠濟南皇考率數百人拒戰退之夢衆大集皇考** 彦之北伐大敗房乗勝破青部諸郡國别即安平公乙 熊縱初平皇考遷揚武将軍安固汶山二郡太守善於 偃兵開城門眾諫曰賊衆我寡何輕敏之甚皇考曰 ·撫元嘉初徙為武烈将軍濟南太守七年右将軍到 刺史源之並見知重初為建威府參軍義熙中蜀賊 LA ALIA 伯少有大志才力過人宗人丹陽尹墓之北究 南齊書

置本土加以南名於是為南蘭陵蘭陵人也皇考諱

王義於曰承之理民直亦不在武幹後令擬為克州刺 軍檀道濟於壽張轉戦班師清董陷沒克州刺史竺靈 秀抵罪宋文帝以皇考有全城之功手書與都督長沙 鎮保險皇考固諫不從思話失據潰走明年征南大将 彊待之耳虜疑有伏兵遂引去青州刺史蕭思話欲委 今日懸守窮城事已危急若復示弱必為所屠惟當見 心中兵參軍員外郎十年蕭思話為梁州刺史皇考為 檀在南詳之皇考與道濟無素故事遂寢遷輔國鎮

城薛健退屯下桃城立柴營皇考引軍與對壘相去 氏偽梁泰二州刺史趙温先據州城聞皇考至退據 南接漢川北枕驛道險固之極健既潰散皇考即據之 氏偽魏與太守薛健於黃金山剋之黃金山張魯舊戊 一健與偽馮翊太守蒲旱子悉力出戰皇考大破之 (横野府司馬漢中太守氏即楊難當冠漢川梁州 閉管自守不敢出思話繼至賊乃稍退皇考進至城 ,甄法護棄城走思話至寒陽不進皇考輕軍前行攻 . . . . I 南齊書

皇考相拒四十餘日賊皆衣犀甲刀箭不能傷皇考命 當又遣息和領步騎萬餘人夾漢水两岸接趙溫攻逼 将軍蕭汪之平西督護段野等至表裏奮擊大破之難 公山為左衛将軍沙州刺史呂平大衆所圍積日建武

承之票命先驅蒙險深入全軍屢剋奮其忠果可能

将軍隨府轉軍朔司馬太守如故入為太子屯騎校尉

皇考追至南城衆軍自後而進連戦皆捷梁州平部日

軍中断製長數尺以大斧槌其後賊不能當乃焚營退

儒士雷次宗立學於雞籠山太祖年十三受業治禮及 立廟祭祀界明二年贈散騎常侍全紫光禄大夫太祖 軍元嘉二十四年祖年六十四梁士民思之於峨公山 皇考不附乃轉為江夏王司徒中兵參軍龍驤将軍南 文帝以平氏之勞青州缺将欲授用彭城王義康東政 左氏春秋十七年宋大将軍彭城王義康被點鎮豫章 以元嘉四年丁邓底生姿表英異龍顏種聲鱗文遍體 泰山太守封晉與縣五等男邑三百四十戶遷右軍将 南齊書

造太祖領偏軍討沔北蠻二十一年伐索虜至丘檻 質安蜜司馬劉康祖救之文帝使太祖宣古授節度聞 隨成河北討樊節諸山蠻破其聚落初為左軍中兵 **並破走二十三年雅州刺史蕭思話鎮襄陽啓太祖自 廖主拓跋熹向彭城質等回軍救援至盱眙太祖與質** 軍二十七年索房圍汝南戌主陳憲臺遣海朔将軍職 別軍主胡宗之等五軍步騎數千人前驅奏已潛過淮 一考領兵防守太祖舍業南行十九年竟陵蠻動文帝

史劉秀之遣司馬馬注助太祖攻談堤城拔之房偽 城還南鄭襲爵晉與縣五等男孝建初除江夏王大司 太祖還就質固守為房所攻圍甚危急事寧還京師 中沒屬氏武與西北有願皐戍去仇池二百里太祖擊 ,壘皆破之遂從谷口入關未至長安八十里梁州刺 九年領偏軍征仇池梁州西界舊有武與戊晉隆安 公奔走虜救兵至太祖軍力疲少又聞文帝崩乃焼 相遇於党山下合戰敗績縁淮奔退宗之等皆陷沒 南齊書

**陵太守表標棄城走東境諸城相繼奔散徐州刺史** 令中兵如故景和世除後軍将軍值明帝立為右軍将 撫軍參軍建康令新安王子驚有盛龍簡選係佐為北 馬灸軍隨府轉太宰選員外郎直閣中書舍人西陵王 兵明帝加太祖輔國将軍率眾東討至晉陵與賊前鋒 時四方反叛會稽太守尋陽王子房及東諸郡皆起 中郎中兵參軍陳太后憂起為武烈将軍復為建康 程桿孫曇瓘等戰一日破城十二壘分軍定諸縣晉

飲定四庫全書 據白鵠澗張永遣太祖馳督寬索兒東要擊太祖使不 主馬道慶走之於石鼈将西歸王寬與軍主任農夫先 急明帝聞賊渡遠追太祖往救之屯破金索兒向鍾離 馬步萬餘人擊殺臺軍主孫耿縱兵逼前軍張永管告 還又将南討出次新亭前軍已發而索兒自雕陵渡淮 永遣涿朔将軍王寬據盱眙過其歸路索兒擊破臺軍 叛徐州刺史申令孫又降徵太祖討之時太祖平東 ,都反彭城從子索兒寇淮陰山陽太守程天祚舉城

令左右索部不得動須更賊散太祖議欲於石梁西南 梁澗北索見夜遣千人來斫營營中驚太祖卧不起宣 步奄至又推火車數道攻戦相持移日乃出輕兵攻賊 西使馬軍合擊其後賊聚大敗追奔獲其器仗進屯石 日索兒引軍頓石梁太祖追之至葛家候騎還云賊至 得前太祖鼓行結陣直入寬壘索兒望見不敢發經數 祖乃頓軍引管分兩馬軍夾管外以待之俄頃賊馬 地祭壘通南道斷賊走路索兒果來爭之太祖率軍

将軍任皇鎮西參軍劉越緒各據險相守明帝遣太祖 **黙而還除驍騎将軍封西陽縣侯邑六百户遷巴陵王** 恐懼未戦而走還除挂陽王征北司馬南東海太守行 領三千人討之時朝廷器甲皆充南討太祖軍容寡閥 衛軍司馬隨鎮會稽江州刺史晉安王子勋遣臨川内 編機皮為馬具裝析竹為寄生夜舉火進軍賊望見 及海自都陽崎道入三县臺軍主沈思仁與偽龍驤 )城馬自相践籍死索兒走向鍾離太祖追至照

定日事全書

南齊書

督北討前锋諸軍事鎮淮 等敗於彭城 識不足狡猾有餘若長轡緩御則必遣子入朝今以 祖日吾今因 往不剋卿每杖策幸勿多言安都見兵至果引索房 於雅口諸城戊大小悉奔歸房遂退至淮北 )彼将懼 事初明帝遣張永沈攸之以衆喻降薛安都 此 淮 而為計恐非國之利也帝曰衆軍 南孤弱以太祖 北討柳意以為 除泰始三年沈攸之具喜 何 如太祖對日安都 圍角 謂

郎領越騎校尉不拜復授冠軍将軍留本任明帝常嫌 軍督北討如故五年進督竟青葉三州六年除黃門 愈以為疑遣冠軍将軍吳喜以三十人北使令喜留軍 太祖非人臣相而民間流言云蕭道成當為天子明帝 於 己日華 至書 即鮮遷督南克徐二州諸軍事南克州刺史持即假冠 南谷書

**唐**等一

城戍主賈法度力弱不致諸将勸太祖渡岸救之太祖

不許遣軍主馬道慶将數百張弩浮艦淮中遥射城外

一發數百箭俱去房騎相引避之乃命進戰城圍

将軍領衛尉加兵五百人與尚書令袁粲護軍褚淵 太子左衛率時世祖以功當別封贑縣太祖以 非靈長之運祸難将興方與卿等戮力耳拜散騎常侍 之喜還帝意乃悦七年後還京師部下勸勿就徵太祖 金自持銀壺酒封賜太祖太祖戎衣出門迎即酌飲 固雜不受韵許之食邑二百户明帝崩遗韵為右衛 卿 閣於見事主上自誅諸弟為太子雅 關佗族惟應速發事緩必見疑今骨肉相害自 弱作萬歲

陽収客官民數日得士聚二萬人騎五百匹發溫口悉 ,廷惶駭太祖與護軍褚淵征此張永領軍劉 於後堂習馳馬招聚士眾元級二年五月舉兵於尋 定日車至書 ,秉遊擊将軍戴明寶驗騎将軍阮佃夫右軍将軍王 人凡獲全及蒼梧王立更有窺伺與望密與左右 ,頭戍軍事明帝誅戮蕃戚江州刺史桂陽王休節 一面共掌機事又別領東北選事尋解衛尉加侍 船艦大雷戍主杜道欣鵲頭戍主劉譽期告變 南齊書 面力

中堂舊是置兵地領軍宜屯宣陽門為諸軍即度諸貴 安坐殿中右軍諸人不須競出我自前驅破賊心矣因 莫有言者太祖曰告上流謀逆皆因淹緩至於覆敗 道隆中書舍人孫千齡員外郎楊運長集中書省計議 掖東府石頭以待賊干里孤軍後無委積求戰不得自 然瓦解我請頓新亭以當其鋒征北可以見甲守白下 念遠若偏師失律則大沮衆心宜頓新亭白下堅守宫 必遠懲前失輕兵急下垂我無備令應變之術不宜

得也座起太祖 祖方解衣髙即以安聚心乃索白虎幡登西垣使寧朔 南将軍加鼓吹一部治新亭城壘未畢賊前軍已至 乃單車白服出新亭加太祖使持節都督征討諸軍平 日宜依舊遣軍據梁山魯顯問 定回車至書 是兵衝所以欲死報國耳常日乃可屈曲相從令不 頓南州太祖正色曰賊令已近梁山豈可得至新 下議並注同中書舍人孫千齡與休範有密契 一顧謂劉動曰領軍已同鄙議不可改易 南有書 衛若不出白下則應

兵接戰自己至午眾皆失色太祖曰賊雖多而亂尋 馬軍主周盤龍将步騎出壘對陣休範分兵攻壘東 水戰自新林至亦岸大破之燒其船艦死傷甚泉賊 将軍高道慶羽林監陳顯達員外郎王敬則浮舸與 |新林太祖馳使報劉動急開大小桁 未時張敬兒斬休範首太祖遣隊主陳靈實送首 北岸休範垂肩與率眾至壘南上遺寧朔将軍黃 楊運長領三齊射手七百人引殭命中故賊不得

軍復得保城與黑鑫拒戦自脯達明旦矢石不息其夜 大雨鼓叫不復相聞将士積日不得寝食軍中馬夜 臺靈寶路中遇賊軍埋首道)側臺軍不見休範首愈報 兵披退太祖挺身上馬率數百人出戰賊皆推楯而前 懼賊眾亦不知休範已死別率杜黑蠡急攻壘東司空 | 海蕭恵朗領數百人突入東門叫噪至堂下城上守門 去數丈分兵横射太祖引滿将發左右将戴仲緒舉 扞之箭應手飲羽傷百餘人賊死戰不能當乃却眾 南野

騎典籤茅恬開東府納賊冠軍将軍沈懷明於石頭奔 之重任無內外主上春秋未幾諸王並幼沖上流聲議 通所聞此是将軍艱難之日而将軍深尚從容廢省 園宅名為東山頗忽世務太祖謂之曰将軍以顧命 桁王道隆不從動及道隆並戦沒初動高尚其意託 内亂走太祖東燭正坐屬聲呵止之如此者數四賊 定四庫全書 丁文豪設伏破臺軍於阜炭橋直至朱雀桁劉動欲 朝事至维悔何追動竟不納賊進至杜姥宅車

钦包日華 全書 宅宣陽門諸賊皆破平之太祖振旅凱入百姓緣道 者干數太祖隨得朝烧之乃列兵登城北謂日劉休節 盤龍等從石頭濟准間道從承明門入衛宮闕休範既 父子先昨皆已即戮屍在南尚下身是蕭平南諸君美 死典籤許公與詐稱体範在新專士無惶惑詣壘投 **泣曰天下敗矣太祖遣軍主陳顯達任農夫張敬兒周** 散張永漬於白下宮内傳新亭亦陷太后執蒼梧王玉 觀君等名皆已林除勿有懼也臺分遣聚軍擊杜 南齊書

後蒼梧王漸行玄暴南徐州刺史建平王景素少有 乃復有馬四年 四贵秦時有 事鎮軍将軍南克州刺史持節如故進爵為公增邑 朝野歸心景素亦潛為自全之計布欽誠於太祖太 不許遷散騎常侍中領軍都督南克徐克青葉五 日全國家者此公也太祖與袁粲褚淵劉東引谷 户太祖欲分其功請益祭等户更日入直決事 加太祖尚書左僕射本官如故休節 太后穰侯涇陽高陵君稱為四貴至 卷一

以後為樂又於蠻岡賭跳際夕乃還仁壽殿東阿氈屋 置光明亭前自馳騎刺殺之因共屠割 1後追之於堤塘相蹈藉左右張互兒馬墜湖帝怒取 一年七月戊子帝微行出北湖常单馬先走羽儀禁衛 一深相猜忌幾加大祸陳太妃罵之曰蕭道成有功於 )玄武湖遣聚軍止討事平乃還太祖威名既重答 今若害之後誰復為汝著力者乃止太祖家謀廢言 拒而不納七月羽林監袁祗奔景素便舉兵太祖 1. 15 W 南齊書 與左右作

之事屬有所歸東讓不當太祖次讓袁粲粲又不受 内驚怖既知蒼梧王死咸稱萬歲及太祖踐 懼玉夫與其黨陳奉伯等二十五人同謀於氈屋中 龍驤将軍世謂為龍驤赤明日太祖我服出殿 語左右楊玉夫同織女度報我時殺害無常人 台四貴集議太祖謂劉東日丹陽國家重感 則送太祖太祖夜從承明門無常所騎 力殺蒼梧王稱敕使廂下奏伎因将首出與王

匹庫全書

等二十五人爵邑各有差十月戊辰又進督豫司二 将軍開府儀同三司庚戌進督南徐州刺史封楊玉 驃騎大将軍持節都督刺史如故封竟陵郡公邑五 秉各甲仗五十人入殿丙申進位侍中司空録尚書事 秉等各失色而去甲午太祖移鎮東府與袁粲褚淵 初荆州刺史沈攸之與太祖於景和世同直殿省申以 色日華 全馬 給油幢絡車班劍三十人太祖固辭上命即驃騎 南齊書

《祖乃下議備法駕詰東城迎立順帝於是長刀渡公

容假還過江陵道慶素便馬攸之與宴飲於聽事前合 将吏逃亾輒討質隣伍養馬至二千餘匹皆分賦戍邏 製道慶梨中破攸之馬鞍攸之怒索刃與道慶馳馬 士使耕田而食原財悉充倉儲荆州作部處送數 好以長女義與公主妻攸之第三子元和攸之為郢 值明帝晚運除有異圖自郢州遷為荆州聚飲兵 電溪裏錢吊器械巨積朝廷畏之高道慶家在華 ,攸之割留簿上供討四山蠻裝治戦艦數百千

崔氏許氏諫攸之日官年已老那不為百口計攸之指 史元琰赍蒼梧王諸虐害器物示之攸之未得即起 裲襠角示之稱太后令召已下都京師恐懼乙卯太 濟太祖又保持不許太祖既廢立遣攸之子司徒左毛 居朝堂命諸将西討平西将軍黃回為都督前驅前 出還都說攸之反状請三十人襲之朝議應其事難 · 稍補角云是明帝與已約誓十二月遂舉兵其妾 ·稱慶井與太祖書推功攸之有素書十數行常

THE STATE OF THE S

南齊書

**十**五

巴陵停舟一月日與攸之怒相交構時攸之未便舉兵 童鳥景文子絢小字答藴小字也藴遭母丧罷任還至 文誠之曰阿答汝滅我門户蘊曰答與童鳥貴賤覺異 太祖又不出吊再計不行外謀愈固司徒袁粲尚書令 ·據郢城世祖知之不出蘊還至東府前又期太祖 乃下達郢州世祖為郢州長史蘊期世祖出界因 州刺史王蘊太后兄子少有膽力以父楷名官不達 以将途自奮每撫刀曰龍淵太阿汝知我者叔父景 四月百世

又至乃散衆軍攻石頭斬 欠 攻 與等嚴兵為內應太祖命王敬則於官內誅之 E 頭與桑謀議祭稱疾不相見剋壬申夜起兵據 東見太祖威權稍盛慮不自安與蘊及黃回等 事殿内宿衛主帥無不 頭 陽丞王遜告變秉從弟領軍韞及直閣将軍 . 怯 明 時從 丹 陽郡 載婦女入石頭 de des が温 将數百精手帶甲赴桑城門已閉官 南齊書 粲劉東走谁 協同攸之反 問 榜湖蘊逃開 朝廷 '初至太祖 相

Э Þ

劉東少以宗室清謹見知孝武世東弟遐坐通,嫡母殷 見當作五言詩云訪迹錐中宇循寄乃滄州盖其志也 拉擒斬之粲位任錐重無經世之畧疎放好酒步傑 東府證其事東曰行路之人尚不應爾今日西可 氏養女殷舌中血出聚疑行毒害孝武使秉從弟祇調 知顧到門求通祭曰昨飲酒無偶鄉相要耳竟不與相 盡無容奉敕眾以此稱之故為明帝所任養梧廢東 間道遇一士大夫便呼與酣飲明日此人 自

噪率兵來赴之朱雀所有戊軍受節度不聽夜過會石 歸兄邪東曰吾等已該領軍矣韞 頭已平因稱救援太祖知而不言撫之愈厚遣回西上 血粲典籤其嗣祖知粲謀太祖名問嗣祖袁謀反何 流涕告别太祖屯閱武堂馳結軍旅閏月辛丑詔假黃 記の事件を書 集議於路逢弟韞韞開車迎問東日今日之事固出 開嗣祖曰事主義無二心雖死不敢泄也蘊嬖人張 伯藏匿蘊太祖並赦而用之黃回頓新亭聞石頭鼓 南齊書 槌胸口君肉中記

古墟(曩)隧時有湮移深松茂草或致刊雜憑軒動懷巡) 隍增愴宜並為收改葵并設簿祀 諒由掩將廣漢流仁實存殯朽近表製兹營崇溝浚塹 銀率大泉出屯新亭中興堂治嚴築壘教日河南稱慈 丙子太祖旋鎮東府二月癸未進太祖太尉增封三千 二年正月沈攸之攻郢城不剋泉潰自經死傳首京邑 都督南徐南京徐究青其可豫荆雅相野梁益廣越 六州諸軍事太祖解縣騎韓都督不許乃表送黃献

箔馬垂具不得金銀度不得織成繡 諸師玩至是又 終帛作屏 《得用紅色為 餘並如故幸卯 永奢 雜 服 飾 侈百 剱為 上表禁民間華偽雜物不得 鄣 不得作鹿行錦及局 姓成 錦緣薦席不得私作器仗 幡盖衣服不得剪無帛為雜花 太祖 、俗太祖 · 誅鎮北将軍黃回大明 輔 政能 祝道路不得著 一般丙子か 品种府省二 栢床牙箱 以全

西

班

百人

灾

定日車到

ALIO :

南齊書

驃騎大将軍録尚書南徐州刺史如故 諸軍事太傅領揚州 一年正月乙已太祖表蠲百姓通,負丙辰加前部羽葆 金銅為像皆須墨敷凡十七條其中宮及諸王服 節樂器又諸雜漆物不得以全銀為花獸不得 長史司馬從事中郎掾屬各四人使 例亦請詳果九月丙午進位 解殊禮甲寅給三望車 牧剱履上 一般入朝不超 假黄鉞都督中 固解記遣 赞拜一 不

自馬光景時昏若華之 不名三月甲辰詔進位相國總百揆封十郡為齊公備 大乎炎凉懸象著明莫宗乎日月嚴冬播氣貞松之 2 其驃騎大将軍揚州牧南徐州刺史如故太祖三 卿敦勸固請乃受甲寅策相國齊公曰天地變通 錫之禮加璽紋遠遊冠位在諸侯王上加相國緑 丁已命太傅府依舊辟召丁卯給太祖甲仗五 5 人殿省甲午重申前命劒優上殿入朝不趨替 南齊書 )映彌顯是故英唇當亂而不移

器已塵宗裡誰主級旅之殆未足為譬宣直小究與刺 恭雜作歌而已哉天贄皇宋實啓明宰爰登寡昧暴水 書與未紀威侮五行度劉九縣神厭靈繹海水羣飛暴 忠賢臨危而盡節自景和昏虐王網弛紊太宗受命給 烈康國濟民於是乎在朕以不造風惟閔凶嗣君失德 女殷博陸匡漢方斯茂如也今将授公典禮其敬聽朕 業鴻緒再維閉基重造高熟至德振古絕倫告保衡 中與運屬屯難四郊多豐蕭将軍震威華戎實資 **た に 庫 全 書** →

**背順歸逆北鄱點黎奄墜塗炭均人廢職邊師告警公** 黨水泮此則霸業之基勤王之始也安都背叛竊據 先馳昼寅車而戒路軍政端嚴卒乗輯睦麾鉞一臨凶 當此之時人無固志公投袂殉難超然奮發執金板而 方敢率犬羊陵虐淮滸索兒愚悖同惡相濟天祚無象 鏑交乎天邑額膽宫掖将成茂草言念邦國剪為仇雠 定日車至書 一 南齊書

命乃者袁劉構祸實繁有徒子房不臣稱兵協亂跨路

一湖憑陵具越浮複虧辰沈氖晦景桴鼓振於王畿鋒

公之功也張淹迷昧弗 野心侵掠疆場前師失律王旅崩撓灑血成川伏 廷無東顧之憂閩越有來蘇之慶此又公之功也 里醌羯伤張勢振彭泗乗勝長驅窥観京甸冠帶 入竊親不虞子時江服未夷皇奎荐阻公忠誠 石梁之 防精貫朝日推節和門氣節霄漢破金之捷 彌亮深識九變妙察五色以寡制聚所向風 )戰禽其渠帥保境全民江陽即序此 顧本朝爰自南區志圖東真

歸之思是以下邳精甲望風振恐角城高壘指日淪陷 國而世故相仍師出日老戰士無臨陣之心戎卒有 公眷言王事發憤忘食躬擐甲胄視險若夷短兵緣 八冬禁旅任無軍國事同顧命挂陽負泉輕問九門 稱馬散分疆畫界開創青充此又公之功也泰始之 気視時湯用死無傷弘宣皇澤俾我淮肥復沾威化 又公之功也自兹原後檢狁孔熾封豕長蛇重窺上 湮被髮之容行及公奉辭代罪戒旦晨征兵車

南齊書

邗晉應韓制為讎敦建平失圖與兵內侮公又指授 霧廓清區宇康义此又公之功也皇室多難豐起底藩 懦夫成勇曾不崇朝新亭獻捷信宿之間宣陽底定雲 憂惶元戎無主公按劒凝神則奇謀貫世秉雄指麾 裂冠段冕拔本塞源入兵萬垂之國頓或象魏之下烈 師義形乎色役未踰旬朱方寧晏此又公之功也蒼梧 然於王城飛矢集乎君屋機變條忽終古莫二厚后 虐諸夏麋沸淫刑以逞誰則無罪火炎崑岡玉石俱

安忍哀彼荆漢獨為匪民乃眷西顧緬同異域而經綸 此又公之功也沈攸之苞祸箴月滋彰蜂目豺聲阻兵 維始九伐未申長惡不恢遂逞凶逆驅合姦回勢過 **貳韜述相扇成此亂階聽圖潛構危機竊發據有石頭** 公遠籍段漢之義近遵魏晉之典猥以則身入奉宗祏 **然點首相悲朝不謀夕髙祖之業已淪大明之軌誰嗣** 南清溢九區反政此又公之功也哀緊無質劉東攜 定日車私書一 犯應路公神謀內運霜鋒外舉妖冷載澄國塗悦穆 南齊書

宗稷之勤造物資始之澤雲布霧散光被六幽弱子 至自東祖西靡有寧晏險阻艱難備嘗之矣若乃締構 勲重之以明哲道庇生民志匡宇宙戮力肆心劬勞王 入永清四海是以秬草腾苦於郊園景星垂暉於清漢 麾夏首寧諡雲梯未舉魯山剋定積年通誅 沮浦安流章臺順軌此又公之功也公有濟天下之 日同亮明界與秋雲競爽至義所感人百其心鼓鼓 朝野憂疑三軍沮氣公東钺出關凝威江甸正情與 朝

以文命成功玄珪顯錫姬旦秉哲曲阜啓蕃或改玉以 名馬朕聞疇庸表德前王盛典崇掛侯伯有國攸同所 **陵義與揚州之具都會務凡十郡封公為齊公錫茲玄** 其數惟公煎業超於先烈而褒賞關於信章古今之 風或昨土以宣化禮絕常班寵冠羣辟爰逮桓文車 |方款關而慕義荒服重譯而來庭往哉邀乎無得 齊郡徐州之梁郡南徐州之蘭陵魯郡琅邪東海晉 何其爽軟静言欽歎良有缺然今進授相國以青州

定四車全書

·南齊書

公茅土金虎符第一至第五左竹使符第一至第十 總百揆去録尚書之稱送所假節侍中貂蟬中外 尉侍中中書監司空衛将軍害都縣開國侯淵授 執珪入作卿士內外之寵同規在昔今命使持節煎 一以白茅定爾邦家用建冢社斯實尚父故藩世作 紀網侯甸率由舊則往者周名建國師保兼任毛 位總百辟秩踰三事職以禮移號隨事革其以相 印綬齊公重級持節無司空守尚書令僧度授

姓繁行是用錫公衮冕之服赤鳥副馬公居身以謙尊 弘律儀刑區字遐涵一體人無異業是用錫公大輅戎 錫公朱户以居公明鑒人倫澄辨涇渭官方與能英 以義鎔釣庶品罔不和悦是用錫公軒縣之樂六 徐州刺史如故又加公九錫其敬聽後命以公執 各一支壮二駟公崇修南畝所實惟穀王府充實百 **《傅太尉印綬竟陵公印策其驃騎大将軍揚州** 公具赞王猷聲教遠治蠻夷揭歡回首內附是 南齊書 二古

足日事私書 一人

國置丞相以下一遵舊式往欽哉其祇服朕命經緯乾 孝敬之重義感靈祇是用錫公柜吧一 防萌含生夤式是用錫公虎賁之士三百人公架完 克舉是用錫公納陛以登公保佑皇朝 公鳳舉四維龍騫 苔 **學姦以德君親無将将而必誅是用錫公鈇銊各** 宏亮洪業茂昭爾大德闡揚我高祖之休命太祖 形矢丁兹弓十兹矢干公明發載懷肅恭種 人表威靈所振異域同文是用錫 一直珪漿副馬 属身化下杜

罨

外隨宜除用以齊國初建給錢五百萬布五千匹絹 者賜穀五斛府州所領亦同蕩然宋帝諂齊公十郡之 郡增封使持節司空衛将軍褚淵奉策級里級金虎符 今月十五日財爽以前一皆原放鰥寡孤獨不能自存 次 足 日 車 全 書一人 川陳留南兖州之盱胎山陽春郡廣陵海陵南沛十 匹四月癸酉韶進齊公爵為王以豫州之南梁陳郡 公卿敦勸固請乃受之丁巳下令赦國內殊死以下 至第五左竹使符第一至第十左錫兹玄土苴白 南齊書 二十五

茅改立王社相 鍾處官縣王世子為太子王女王孫爵命 化億兆所以歸心用能經緯乾坤彌綸宇宙 根車駕六馬備五時副車置花頭雲早樂僻 丙戌命齊王晃十有二旒建天子旌旗出警入蹕 庇生民晦往 ·禪位下詔曰惟德動天玉衡所以載序窮神 相襲景和轉修於前元級 明明 國揚州牧 仍來積代 、驃騎大将軍南徐州刺史 同 軌前王踵武世必由之 松肆虐於後! 如舊儀辛 闡揚鴻烈 仴 設設

1

欴 勲超乎文命荡荡乎無得而稱馬是以辮髮左衽之首 **親隆威而陽情恭善之侍仰叛猷而增属道邁於重華** 東清夷遐風每盤既而光啓憲章弘宣禮教姦完之 秘算雲回旌旆所臨一 靈採傾提危澄気静亂匡濟艱難功均造物宏謀霜 如綴靜惟此紊夕惕疚心相國齊王天誕叡聖河嶽 定日華全書 **關請吏木衣卉服之長航海來庭豈惟肅慎獻若越** 南齊書 一麾必提英風所拂無思不偃表 ニナな

霾七廟将墜璇極委取含識知泯我文武之祚眇

裳薦暈而已哉故四與載宅六府克和川陸効珍禎祥 寡昧閣于大道稽覧隆替為日已久敢忘列代遺則 適齊昔金政既淪水德締構天之歷數皎馬攸徴朕錐 代終彌亮負處握樞允歸明哲固以微訟去宋謳 至願乎便遜位别宫敬禪子齊一 集卿煙玉露旦夕揚藻嘉發芝英晷刻呈茂革運斯 何不奏鼓吹左右莫有答者壬辰策命齊王曰伊 日宋帝逐于東邱備羽儀垂畫輪車出東掖門問 依唐虞魏晉故

**不亮符命之攸臻坦至公以成務懷生載懌靈祇効** 前儀惟我祖宗英 鏡開玉匣而總地維德之休明宸居靈極期運有終 以降墳索所紀畧可言者莫崇乎充舜披金絕而 一與能所以大唐遜位勝然與歌有虞揖讓卿雲發 į > 15 九被無垠漢魏因循弗敢失墜爰遠晉氏亦 **5~ 敵敷格幽顯從天人而齊七政凝** 南齊書

若夫容成大庭之世宓義五龍之辰靡得而詳馬自軒

紛綸開耀靈以鑑品物立元后以馭蒸

蕃屏陵上兵革雲翔萬邦震駭裁之以武風綏之以文 至德而撫四維末葉不造仍世多故日蝕星隕山淪川 五慮而义寧皇緒将湮東六術以匡濟及至權臣内侮 !遐涵清夷表東肅穆戢墹戈而事黼黻委旌門而恭 館聲化遠泊荒服無塵殊類同規華戎 惟王聖哲淵明荣鏡萬宙體望日之威資就雲之 定匹庫全書 | 來儀於軒庭九穗含芳於郊牧象緯昭澈布新之行 下以簡御衆以寬仁育羣生義征不聽國塗荐阻

景之恒度春秋遞運時歲之常序求諸天數猶且陰 飲定四庫全書 洪業豈不盛數再命聖書曰皇帝敬問相國齊王大 望命司裘而謁蒼昊奏雲門而升園丘時膺大禮永 玄情俯祭羣望敬禪神器授帝位于爾躬四海围窮 聞至道深微惟人是弘天命無常惟徳是與所以仰監 行與三代之英朕雖闍昧而有志馬夫昏明相襲 永終於戲王其允執厥中儀刑前式以副率土之 **顯圖識彪炳受終之** 南孫書 /義既彰靈祗乃眷兆民引領朕

四海晚世多難姦冗實繁鼖鼓宵聞元戎旦警億兆夷 · 気沙放斤凶昧存我宗祀信物惟新三光改照建至 謨内昭重構閩具丹軍淮濟静九江之洪波卷海沂 日月恵均雲雨國步斯梗則稜威外發王敵不造 伊在人能無終謝是故勛華弘風於上葉漢魏垂式 實賴英聖匡齊艱危惟王體天則地含弘光大 記告我高祖欽明文思振民育德皇靈春命奄有 (靡曆加以嗣君荒怠敷虐萬方神門将遷家

姿特挺君人之義在事必彰書不云乎皇天無親惟德 首咸醉仁毒之域自霜露所隊星辰所經正朔不通 **貢是以禎祥發采左史載其奇玄象垂文保章審其** 跡罕至者莫不踰山越海北面稱蕃款關重譯修其職 臨風行草靡神算所指龍舉雲屬諸夏廓清戎程思題 寵臣裂冠則裁以廟畧荆漢反噬則震以雷霆塵斾所 巴日東台馬 書表肆類之運龍圖顯班瑞之期重以珠衛日角 人偃武闡揚洪烈明保沖昧翱翔禮樂之場撫柔點 南齊書 二十九

酬吴天之休命太祖三辭宋帝王公以下固請兼 金德既淪而傳作于我有宋歷數告終實在兹日亦 笙管變聲鍾石改調朕所以擁城持衡傾行明哲昔 侯淵無太尉守尚書令僧度奉皇帝璽綬受終之 輔民心無常惟惠之懷神祇之眷如彼蒼生之願 今遣使持節無太保侍中中書監司空衛将軍零都 **德而傳于齊式遵前典廣詢羣議王公卿士咸曰惟** 唐虞故事王其允副幽明時登元后寵經八表

職任備陳管穴伏 尚書右僕射王儉奏被宋詔遜位臣等參議宜剋日團 咸以六終六受六九位也驗往撰今若斯昭著敢 -六年而禪宋宋自永初元年至昇明三年凡六 年四十六年而禅晉晉自太始至元熙二 禪撰立儀注太祖乃許馬 匠陳文建奏符命曰六亢位也後漢自建武 百九十六年而 南齊書 ·禪魏魏自黄初至咸 朝百辟又固請

į

年太乙在六宮不利有為徐傅廢管陽王七年太 與客俱得吉計先舉事者勝是咸馬祖破楚晉元與 利舉動元興三年太乙在七官宋武破桓玄元嘉元 宫閣囚惡歲大小将皆不得立其年到彦之北伐 經言格者已立政事上下格之不利有為安居之世 |臣曰案太乙九宮占推漢髙五年太乙在四宮主 -為桓玄所逼出宫大将在一宫参相在三宫格 在七宫太一為帝天目為輔佐迫舜太

見關不立凶其年裴方明伐仇池剋百頃明年失之 是歲氏楊難當冠梁益來年仇池破十九年大小 、珠四年太 元年太一在二宫為大小将奄擊之其年景和廢 (敗客主俱不利十八年太し在二宮客主俱不 年太一在六宫先起敗是歲桂陽王休範反並 在三宫不利先起主人勝其年晉安王子助反 在七宫先起者容西北走其年建平 在七宫不利為客安居之世與

定回車全書

南齊書

主人禪代之應也 在杜門臨八官宋帝禪位不利為容安居之世舉事為 事為主人應發為客袁粲沈攸之等反伏誅是歲太 南齊書卷

開生具郡太守永○臣承蒼按齊梁同祖梁本紀作具 たこり 高帝本紀上漢相國蕭何二十四世孫也〇臣宗萬 郡太守水未知孰是 官位盖史官附會又按漢蕭望之傳不叙世譜此以 通鑑考異曰自相國何至皇考一十餘世皆有名及 知帝之苗裔亦未必皆妄矣 為何後恐未確當然傳云望之東海蘭陵人即此可 The Arms I 南齊書 按


南齊書卷一考證


丁文豪設伏破臺軍於卓英橋直至朱雀桁〇臣祖庚 靈寶路中遇賊軍埋首道側〇臣祖庚按宋恩云棄諸 令喜留軍破釜自持銀壺酒封賜太祖太祖戎衣出門 溝中宋書云棄首於水三書互異通鑑從宋書 成被徴通鑑從之考異曰南齊書欲成太祖之美故 成懼弗肯飲喜語以情先為之酌於是喜得罪而道 云爾斯言信然 迎即酌飲之喜還帝意乃悦〇臣祖真按宋畧云道

5 に 月 在 書 | ·


車騎典籤〇臣祖原按南史故事府州縣内論事皆籤 次足日車 至書一 末多以幼少皇子為藩鎮以左右親近領典籤權任 前直叙所論之事後云謹籤日月下又云某官恭籤 故府州置典籤以領之本五品吏宋初改為士職宋 行人大路所由也桁與航同 也以其在朱雀門外故名又云跨秦淮南北岸以渡 按通鑑注云卓英橋當在新亭之北朱雀桁即大航 南齊書

十二月逐舉兵乙卯太祖入居朝堂〇臣宗萬 又於蠻岡賭跳〇臣祖庚 攸之圍野城宋界十二月沈攸之作亂丁卯蕭道成 帝紀十二月攸之反丁卯齊王入守朝堂閏月癸已 髙為勝也 通 在十二月是矣而太祖居朝堂則在丁卯與此互異 屯朝堂閏月癸已攸之師及郢州據此攸之舉兵 V鑑注云臺岡意即臺城之來岡賭跳者賭跳躑以 按蜜周南史同宋書作臺問 考證 按宋順





第 第 謹 卷一第三頁前 五頁後二行西 本 十 杂 监 臨 早 本 五頁 據 目 监 髙 訛 欧 録 後二行韓 早 本 第八頁後八行武陵 祖十二王傳 毛本 核 监 ょ 陵 行 本 败 王 も 健 係 本 撫軍參軍刊本上軍字 與 伯 改 偽 改 チ! 馮 本 脂 翊 徐 太守蒲旱子刊 訛 王曅利本废訛 孫 霡 本傅及 訛





校 腃 官 绿

臣

蕭

九 成

校官 檢

且力 討 教 臣 呉 省蘭

椝

臣

張

欽定四庫全書曾要南部書卷四王

詳校官內閣侍黃是孫 球

鑒乾序欽若明命以命于道成夫肇自生民樹以司牧 建元元年夏四月甲午上即皇帝位於南郊設擅柴 欽定四庫全書養要卷四千二百六十四史部 於 芝 日 事 全 書 一 告天日皇帝臣道成敢用玄牡昭告皇皇后帝宋帝陟 南齊書卷二 紀第二 髙帝下 蕭 南齊書 子 顯 撰

景屬與能用集大命于兹辭德匪嗣至于累仍而 弘濟於厥艱大造顛墜再構區守宣禮明刑締仁 汉闡 唇絲凝象川岳表靈誕 載在方冊水德既微仍世多故實賴道成直拯之 可以固選人神無託不可以曠主畏天之威敢不私 昔在處夏受終上代專自漢魏揖讓中葉成炳 士庶尹御事爰及黎獻至於百戒愈日皇天眷命 極則天開元創物肆兹大道天下惟公命不于 惟天人因弗和會乃仰 犀 功

勤 前 谷民東式數萬國惟明靈是饗禮畢大駕還宮臨太極 暴一匡天下業未参古功殆侔昔宋氏以陵夷有徵歷 殿詔曰五德更紹帝迹所以代昌三正选隆王度所 之誠藉樂治之數賢能悉心士民致力用獲極游愈 鴻歷敬簡元辰度奉皇符升擅受禪告類上帝以永 **攸及思私樂推永鑒崇替爰集天禄於朕躬惟志菲** 耀世有質文時或因革其資元為歷經道振民国 桁 同換殊流兴貫者矣朕以寡昧屬值艱季推肆

The state of the s

南齊書

禋 人爵二級文武進位二等鰥寡孙 上岩湾 · 於上帝 很以寡德光宅四海纂革代之蹤 失爵禁錮奪勞一依舊典封宋帝為汝陰王築官 逋 弗獲昭遂欽從天人式緣景命祇月正于文祖 除先注與之更始長徒較繁之囚特皆原遣亡 租宿債勿復收有犯鄉論清議職行淫盗一時 億 此可大赦天下改昇明三年為建元元年 淵 水周 知所濟實祚初 放洪废惟 獨不能自存者穀 託王公 思

賢列代盛典時庸嗣美前載令圖尔氏通侯乃宜随運 答表不稱詔降宋晉熙王燮為陰安公江夏王路為 省替但欽德懷義尚表墳問 為為浦公郡公主為縣君縣公主為鄉君詔曰繼 降差之典宜遵往制南康縣公華容縣公可為侯萍 公随王翻為舞陰公新興王高為定襄公建安王禧 侯可為伯滅户有差以繼劉穆之王弘何無忌後 況功濟區夏道光民俗者

縣故治行宋正朔車旗服色一如故事上書不為表

南齊書

國 以司空褚淵為司徒吴郡太守柳世隆為南豫州刺史 鉑 左衛将軍陳顯達為中護軍中領軍王敬則為南京 刺史左衛将軍李安民為中領軍戊戌以荆州刺史 灾 匹 庫 将軍映為荆州刺史西中郎将是為南徐州刺史冠 日宸運肇創寶命維新宜弘慶宿廣數蠲汰叔賊 将軍垣崇祖為豫州刺史驃騎司馬崔文仲為徐州 為尚書令驃騎大将軍開府儀同三司楊州刺史冠 在臺府者悉原故諸負置流徒善聽還本土以齊 在言 巻二 餘

第秩雖宜省替其有預効屯夷宣力齊業者一仍本封 兵有差王陵五人妃嬪三人五月丙午進河南王吐谷 宋帝后藩王諸陵宜有守衛有司奏帝陵各置長 末及本使公不專利氓無失業二官諸王悉不得營立 鹽鐵好民貨營傷治歷代成俗流產歲滋援極遺弊並 渾拾寅號驃騎大将軍詔曰宸運革命引爵改封宋氏 屯邸封略山湖太官池籞宫停稅入優量省置庚子詔 刺史斷四方上慶禮已亥詔曰自鷹井毀制農桑易業 南齊書

廣興郡公沈曇亮等百二十二人改元嘉歷為建元歷 無所減降有司奏留襄陽郡公張敬兇等六十二人除 本德盛卯終未以正月卯祖十二月未雕丁未詔曰設 今以後可斷衆募壬子詔封佐命文武功臣新除司徒 渾拾寅奉表貢獻丙辰詔遣大使分行四方遣無散 俗且長逋逸開罪山湖是為黥刑不辱亡竄無咎自 **5匹庫全書** 淵等三十一人進爵增户各有差乙卯河南王吐谷 取将懸賞購士盖出權冝非曰恒制項世艱險浸以

**庚二官若職限已盈所餘可賜滿壬申以游擊将軍周** 胎皇后六月辛未治相國驃騎中軍三府職可依資勞 劉燮等伏誅追封諡上兄道度為衡陽元王道生為始 常侍十二人巡行以交寧道遠不遣使己未汝陰王薨 或枯骸不收毀機莫掩宜速宣下埋藏管師若標題 圖為究州刺史乙亥許曰宋末頻年我勉無災疾凋 貞王丙寅追尊皇考曰宣皇帝皇妣為孝皇后妃為 諡為宋順帝終禮依魏元晉恭帝故事辛酉陰安公

普 **| 高為安成王鳉為鄱陽王鱳為桂陽王鑑為廣陵王皇** 事四人周行離門外三十五里為限其餘班下州郡 楢 疑為豫章王映為臨川王晃為長沙王華為武陵王 **器標題者屬所以臺錢供市庚辰七廟主備法駕即** 存姓字可識可即運載致還本鄉有司奏遣外監典 定四庫全書 賜位一階辛已罷荆州刺史甲申立皇太子蹟斷 禮慶見刑入重者降一等并申前赦恩百日立皇 認諸将及各戮力艱難盡動直衛其從還官者

鉱

太守行交州府事李叔獻為交州刺史丙辰以房偽於 南土文武詳才選用并遣大使宣揚朝恩以武守武平 未詔曰交趾比境獨隔書朔 二具義與三郡遭水減今年田租乙己以新除尚書令 因迷遂往歸敖莫由曲赦交州部内李叔獻一人即 長懋為南郡王乙酉葬宗順帝于遂寧陵秋七月丁 (鎮主陰平公楊廣香為沙州刺史丁已 本鄉長蠲 祖布武進王業所基復 斯乃前運方季負海不朝 八十年 **路南蘭陵桑** 九月辛丑鉛

足口華全書 一

屯夷我車歲駕誠籍時来之運實資士民之力宋元微 映為 年以来諸從軍得官者未悉蒙禄可催速下訪随正 劉肩為汝陰王奉宋帝後已夘車駕殷祀太廟辛已 宣武堂宴會詔諸王公以下賦詩冬十月丙子立彭 給才堪餘任者訪洗量序岩四州士庶本鄉淪 日朕嬰級世務三十餘歲險阻艱難備當之矣末路 将軍豫章王疑為荆湘二州刺史平西将軍臨川 揚州刺史丙午司空褚 淵 領尚書令戊申車駕

史江諡等十人爵户各有差 籍不存尋校無所可聽州 司州刺史卒亥立皇太子妃裴氏甲申封功臣驃騎長 贈為宋恭皇后十一月庚子以太子左衛率蕭景告 正者特許 二年春正月戊戌朔大赦天下以司空尚書令裕 軍各立五保所隸有司時為言列汝陰太妃王氏薨治 司徒中軍将軍張散兒為車騎将軍中領軍李安民為 足日車公替一个 據軍簿奏除或成杆邊役末由旋及聽於同 南齊書 都保押從實除奏荒遠闕

赤谷為雅州刺史南蠻長史在慧景為梁南泰二州 邊民尤貧遘難者刺史二千石量加脈郎甲午記 史辛卯詔西境獻提解嚴癸已遣大使巡慰淮肥徐豫 頟 民避難流徒者制造還本土蠲今年租稅單貧及 三巴校尉明慧昭為巴州刺史戊子以寧蠻校尉蕭 郊 軍将軍中護軍陳顯達為護軍将軍辛五車駕親祀 卯屬寇壽陽豫州刺史垣崇祖破走之置巴州壬申 癸卯詔索虜寇淮泗遣衆軍北伐內外暴嚴二月 西

充虚列己畢官長局吏應共償備外詳所除有秋七月 大将軍五月立六門都牆六月癸未記昔歲水旱曲故 苑宴王公以下賦詩辛丑以征屬将軍崔祖思為青蓮 二州刺史夏四月丙寅進高麗王樂浪公高連號縣 老不能自存者即聽番籍郡 西昌侯鸞為郢州刺史戊戊以蔎軍将軍陳顯達為南 陽二兵義興四郡遭水尤剧之縣元年以前三調 州刺史具郡太守張岱為中該軍已亥車駕幸樂游 縣押領三月丁酉以侍中

定四車全書一个

南齊書

三年春正月壬戌朔詔王公卿士薦讀言丙子以平北 寅索屬攻朐山青萬二州刺史盧紹之等破走之冬十 子妃装氏觉閏月辛已遣領軍将軍李安民行淮四庚 甲寅以輔國将軍盧紹之為青獎二州刺史戊午皇太 一月戊子以氏楊後起為秦州刺史十二月戊戌以司 軍豫章王疑為司空揚州刺史前将軍臨川王映為 湖為司徒乙巴車駕幸中堂聽訟子子以驃騎

史皇子鋒為江夏王領軍将軍李安民等破屬於淮 四年春正月壬茂韶曰夫膠庠之典奏倫攸先所以招 故通租宿債除減有差秋七月以冠軍将軍垣祭祖為 為西秦河二州刺史河南王 夏四月以寧朔将軍沈景徳為廣州刺史六月壬子 軍陳顯達為益州刺史貞陽公柳世隆為南兖州 刺史冬十月戊子以河南王世子吐谷渾易度侯

振才端改發性緒弘字黎氓納之軌義是故五禮之

定日車至書 南齊書

言多概今關燧無處時和歲稳遠通同風華夷慕義便 十年其不得收屍主軍保押亦同此例以後将軍長於 遵用每傷簡薄建元以来戰亡賞蠲租布二十年雜役 勇争先殖氣寇場命盡王事戰亡蠲復雖有恒典主者 史王延之為右光禄大夫祭亥詔曰比歲申威西北義 可式導)前准修建數學精選儒官廣延國胄以江州刺 可傳六樂之容不泯朕自膺歷受圖志聞經訓且有司 僚奏議咸集盖以戎車時警文教赤宣思樂泮宮永

きこ

等奉太子如事吾柔遠能通緝和內外當令太子敦 遂隆大業風道沾被升平可期遘疾獨留至于大漸 左僕 繫有差元年以前逋責皆原除三月庚申召司徒褚 親戚委任賢才崇尚節儉私宣簡惠則天下之理盡矣 王晃為該軍将軍中軍将軍南郡王長懋為南徐 軍桓原為青冀二州刺史上不豫庚辰路 冠軍将軍安成王暠為江州刺史二月乙未以冠軍 以射王儉詔曰吾本布衣素族念不到 比因籍時来 原京師

芝日華 生艺

南齊書

舟 月 無色博 庚 生有命夫復何言壬戌上崩 夷 丙 險 **次寅上諡** 制 午定武進泰安陵上少沈深有大量寬嚴清 Á田 之物 始 不废素業從 自 源可即 涉 大 日太 敕中書舍人桓景真曰主衣中似 經史善屬文工草隸書实棋第二品 此 祖高皇帝奉祥官於東府前治 末 後 陳察謀以威重得衆 を二 泰 碎凡後有可其物皆宜随 始 尤增其麗留此置主衣 於 臨光 殿 Вp 年五十六四 位 有 後 身 雖 升龍

官人著紫皮服華盖除金花瓜用鐵廻釘每日使我 天下十年當使黃金與土同價欲以身率 臣曰孫卿有言聖人之有天下受之也非取之也漢 神武殿聖觀秦氏東遊盖是雅多大言非始自知 光武聞少公之論識亦持一時之笑語魏武初起 未有臣下撰録上柳而不宣盛矣 名骨體及期運歷數並遠應圖識數十百條歷 欄 銅為飾者皆改用鐵內殿施黃紗

南齊書日

龍德在田見精雲雨之迹及蒼梧暴厚豐結朝野百 正位八君十年五紀四絕長嫡三稱中興內難邊處立 人希本德歸功與能事極乎此雖至公於四海而運 **懷命懸朝夕權道既行無濟天下元功振主利器難** 世動太祖基命之初武功潜用泰始開運大極時製 崛起匹夫兵由義立咸皆一世 期征西之墓晉宣不內迫曹奏豈有定霸浮橋京 人奉才戮力實懷尺寸之望豈其天厭水行因已 推雄卒開門在宋氏

闽 以才鎮民以德端已雄賥君臨尊默芑括四海大造家 惟伐叛抗威京輦坐清江漢文藝在躬芳塵淵塞用下 俑 赞曰於皇太祖有命自天同度宇宙合量山淵宋徳不 集大命也 時來無心於黃屋而道随物變應而不為此皇齊所以 紹神器虛傳寧亂以武點暴資賢庸發西疆功興北翰 師獨克孤旅霆斷援旃東夏職司静亂指谷徐方時

<u>ا</u>

5

南齊書

**十**二

高帝本紀下建元元年夏四月丙寅追尊皇考日宣皇 二年正月以司空尚書令褚淵為司徒○臣祖庚 帝皇此為孝皇后〇日 傳三年為司徒又固讓四年寢疾遜位改授司空據 二月以司空褚淵為司徒其事複見其月互異人淵 月癸卯司徒裕淵薨紀傳前後各不相 淵以三年為司徒四年為司空而紀又云四年 南齊書 祖庚 按通鑑同南史在甲午 顄

南齊書卷二考證

五月立六門都牆〇臣宗萬按通鑑云自晉以来建康 二月丁卯房寇毒陽〇 河南王世子吐谷渾易度僕〇易度侯諸本皆作度易 官之外城惟設竹籬而有六門會有發白虎樽者命 是月辛卯朔無丁卯 改立都牆又白虎樽即白獸樽晋書遊唐諱故曰獸 定匹庫全書 一 侯今從氐羌傳改正 を二 臣祖原按通鑑作己酉考異日

